

नेपालय् २५ दै जिगु लुमन्ति



सु
व
र्ण
र
ज
त
उ
त्स
व

मा. गुणवती



नेपालय् २५ दै जिगु लुमन्ति

मा. गुणवती

प्रकाशक—

धर्मकीर्ति विहार

भीमः, नःघः,

काठमाडौं, नेपाल

फोन - २-२४५६५

बुद्ध सं. २५३१

बि. सं. २०४४

ने. सं. ११०८

ई. सं. १९८७

प्रथम संस्करण १५०० प्रति

मुद्रक—

नेपाल प्रेस

शुक्रपथ, काठमाडौं ।

फोन— २२१०३२

नेपालय् २५ दँ

जिगु लुमन्ति

मा. गुणवती प्रव्रजित जुया बिज्यागु ५० दँ

दुगु, वस्पोल नेपाः बिज्यागु २५ दँ दुगु

व वस्पोलया ६४ गूगु जन्मदिन्या

लसताय् धर्मकीर्ति विहारपाखें

न्यायकूगु सुवर्ण रजत उत्सवया

उपलचयय् प्रकाशित

— २०८८ —

§ ५९ धारा

विधि

§ ५९ धारा ५९ के अन्तर्गत विधि

§ ५९ धारा ५९ के अन्तर्गत विधि

विधि ५९ के अन्तर्गत विधि

विधि ५९ के अन्तर्गत विधि

विधि ५९ के अन्तर्गत विधि

विधि ५९ के अन्तर्गत विधि

— ८०५ —

वर्मायाम्ह

मा. गुणवती गुरुमां

प्रब्रज्या जुया विज्यागु ५० दँ दुगु,

नेपाः विज्यागु २५ दँ दुगु

व वस्पोलया ६४ क्यंगु दँ जन्मदिंया

लसताय्

प्रकाशित थुगु सफू धर्मदान याना

वस्पोलया दीर्घायु, सुस्वास्थ्य व

सफलताया दुनुगलंनिसें आशिका

याना च्वना ।

धर्मकीर्ति विहारया

उपासक पुचः

ਸਤਿਨਾਮੁ

ਨਾਨਕ ਸਿਰਸੁ ਤਾ

ਪ੍ਰੰਤੂ ਤੇ ਆ ਪ੍ਰਸੰਨੀ ਨਾਨਕ ਸਿਰਸੁ

ਪ੍ਰੰਤੂ ਤੇ ਆ ਪ੍ਰਸੰਨੀ ਨਾਨਕ

ਪ੍ਰਸੰਨੀ ਤੇ ਪ੍ਰੰਤੂ ਤੇ ਪ੍ਰਸੰਨੀ ਤੇ

ਪ੍ਰਸੰਨੀ

ਨਾਨਕ ਸਿਰਸੁ ਤੇ ਪ੍ਰੰਤੂ ਤੇ ਪ੍ਰਸੰਨੀ

ਤੇ ਪ੍ਰਸੰਨੀ ਪ੍ਰਸੰਨੀ ਪ੍ਰਸੰਨੀ

ਨਾਨਕ ਸਿਰਸੁ ਪ੍ਰਸੰਨੀ

ਨਾਨਕ ਸਿਰਸੁ

ਨਾਨਕ ਸਿਰਸੁ

ਨਾਨਕ ਸਿਰਸੁ

प्रकाशकीय

थ्व सफू दो. गुणवती वा मा. गुणवती गुरुमाया गृह
त्याग याना अनगारिका प्रव्रज्या जुया बिज्यागु ५० दै दुगु,
थःगु देश बर्मा तोता धर्म प्रचारया निम्ति नेपाः विज्याना
नेपाःया दुःख सुख भोग याना नेपाःले थःमहं फुथे धर्म प्रचारया
ज्या याना च्वना बिज्यागु २५ वर्ष दुगु व जन्म वर्ष ६४ दै
दुगुया उपलक्ष कया धर्मकीर्ति विहारयापाखें न्याय्का च्वगु
रजत जयन्ति, सुवर्ण जयन्तिया उपलक्षे छिकपिनि न्होने
पिदना च्वंगु खः ।

वस्पोलयात जि दो. गुणवती व मा. गुणवती धका निगू
नां कया धया च्वना, कारण छाया धाःसा वस्पोलया धाथेंयागु
नां ला गुणवती जक खः । तर बर्माया शिष्टाचार हिसाव
अथे गुणवती धका जक नां कया सःतूगु यदि बर्मातय्सं ताल
धाःसा वस्पोलपिसं थ्वीका बिज्याई-कीसं मागुण गुरुमायात
अपमान याना तल धका । उकि नांया न्होने मिसापि जूसा
गुण वृद्धि व आयू वृद्धिया हिसाव मा, अन च्वे दो धका आदर
सूचक शब्द तय माः । यदि मिजपि जूसा कुः वा ऊ धयागु
गुण, वर्ष हिसाव तय हे माः ।

आः मागुण गुरुमायात बर्माया हिसाव ला मा जक
तया मगात—आयू नं ६४ दै दत, गुणवाचक नं यवव दत ।

स्यागी जूगु हे ५० दँ दय् धुं कुबले दो. गुणवती धंगु शब्द हे प्रयोग याये माल । उकिं कीसं प्रचलितरूपं सिया च्वंगु मागुणवती वा मागुण गुरुमां धयागु बर्माया हिसावं आः वस्पोलयात दो. गुणवती धाय् माःगु अवस्थाय् थ्यन ।

लय्ताय् वहःगु खँ—वस्पोल छम्ह बर्माय् हे जन्म जूम्ह सकलि बर्मी जुया नं कीगु नेपाः देशे दुःख मुख सहयाना २५ दँ मछि च्वना बिज्यागुलीं थौं की वस्पोल नेपाःले च्वना धर्म प्रचार याना च्वना बिज्यागु नीन्यादँ दुगु रजत जयन्ति माने याय् दुगु कीया निम्ति तःधंगु छगू लय्ताय् वहःगु खँ खः ।

कारण विदेशे च्वने धयागु तसकं थाकु । व नं बुद्ध धर्म कः कः धाया च्वंगु देशे च्वंम्ह की बुद्ध धर्म बुलुस्य च्वंगु देशे च्वने माःगु । उकिं वस्पोलं थ्व नीन्यादँया बिचे यक्व सह याना बिज्यानातिनि २५ दँय् थ्यंवल धयागु कीसं धाय् फु ।

अथे हे छम्ह विदेशीयात २५ दँ मयाक तकक कीथाय् तया सन्तोष याना तय् फु धयागु कीगु नं ला चीधंगु प्रयास मखु धाय् मास्ते वो । कारण कीसं नं वस्पोलयात वोगु अनेक समस्या यात समाधान याना बी फया नं खः धाय् मास्ति वो । वस्पोल २५ दँ मच्छि नेपाःले च्वना बिज्यासां वस्पोल थौंतक्क नं सकलिम्ह बर्मी हे तिनि अथे धयागु मानि नेपाःया नागरिक वस्पोल मखुनि । उकिं वस्पोलया निम्ति

पासपोर्ट, भिसाया निर्मित अनेक थाकुगु व लय्लय् गुलि गुलि
 घेबा पुले माःगु अनेक समस्या वय् धुकल । तर थौं की
 नेपाः सरकारया सहयोगं व बर्मी दूतावासया प्रयासं भचा
 अःपुक च्वने दया च्वन । वस्पोल न्हापा छक तसकं मफय् नं
 धुकल अवले नं छलपोल छिकपि दातापिनिगु अनेक सहयोग-
 द्वारा आपालं मेहनत यानातिनि स्वास्थ्य लाभ याके फुगु
 घाःसां अपो खँ ज्वी मखु । उकिं वस्पोलया सुवर्ण जयन्ति व
 रजत जयन्तियात की सकलें नेपाःमिपि तसकं लय्लय् तायाः
 स्यायकेथाय् दु ।

थ्व सफू भाजु वरदेश व मदनरत्न पिनीपाखें आपालं
 ग्वाहाली दुगुलि याकनं पिदंगु खः । तापं गुरुकापी सारे
 याय्गुली मय्जु रजनी वज्राचार्ययापाखें नं ग्वाहाली प्राप्त
 जूगु दु ।

उकिं मागुण गुरुमाँयात २५ दँ पुलावंक च्वने फय्क
 ग्वाहाली बियाच्वंपि दातापिन्त व थ्व सफू पिदनेत ग्वाहाली
 व्यूपि प्रमुख सकल उपासक उपासिकापिन्त धन्यवाद व
 आशिर्वाद सहित वस्पोलया प्रब्रज्या वर्ष ७५ दँया वजीर
 जयन्ति व नेपाःले च्वना विज्यागु ५० दँ पूर्वगुया सुवर्ण
 जयन्ति समेतं कीसं हानं लय्लय् ताया हने फय्मा धयागु
 कामना याना ।

— धम्मवती

पुष २३, २०४४

धर्मकीर्ति विहार, श्रीघः

अनगारिका मा. गुणवतीया संक्षिप्त जीवनी

दो. गुणवती (मा. गुण गुरुमाँ) या जन्म सन् १९२४ या दिसेम्बर महिनाय् बर्माया मुदौ राज्यया कोपरां घैगु गामय् जूगु खः । वस्पोलया वीया नां उ. मे व माँया नां दो अे त्ये खः ।

वस्पोल १२ दँ दुबले सन् १९३६ या मे महिनाय् मोलमिन शहरया भगुं च्याउँ विहारे गुरुमाँपि दो. केसा व दो वंसाचारीपिनीपाखें अनगारिका प्रव्रज्या ग्रहण याना बिज्यात । वस्पोलया चतुपच्चय दातापि बाज्या ऊ. न्यं, निनी दो पयाम्य व तता दो. मालायिपि जुया दित ।

प्यदँ तक्क वस्पोल गुरुमाँपिन्के बुद्ध धर्मया प्रारम्भीक शिक्षा अध्ययन धुंका सन् १९४० सालय् सतिपट्टान ध्यान गुरुमाँ जुया बिज्याम्ह दो. कुशलाचारी याथाय् च्वं बिज्यात । अन नं बुद्ध धर्मया अध्ययन व ध्यान भावनाया अभ्यास धुंका सन् १९४९ सं बुद्ध धर्मया उच्च शिक्षाया लागी नां जाःगु मोलमिनया खेमाराम विहारे बिज्यात । अन वस्पोल विहारया प्रमुख गुरुमाँ दो. पञ्जाचारीया अन्तेबासी जुया बिज्यात । यन विहारे अध्ययन याना वस्पोल धर्मया उच्च परीक्षा

(२)

‘धम्माचरीय’ पूर्वका बिज्यागु खः । थन हे वस्पोलं धम्मवती गुरुमां नाप लाना बिज्याःगु खः, धम्मवती गुरुमानं अन हे अध्ययन याना बिज्याःगु खः ।

मा. गुणवती गुरुमानं बर्माय् बुद्ध धर्मया विभिन्न परीक्षात पास याना बिज्याःगु दु—

१. मोलमिन देशया सुधम्माचार प्रथम वर्ष ।
२. मुदौ देशया शाशनपाल प्रथम वर्ष ।
३. सुवर्णभूमि देशया पारगू परीक्षाया महावेय्या-
करणिक ।
४. बर्मा सरकारं संचालित पथमप्यं परीक्षाया प्रथम
अङ्के ।
५. पथमा ल्हा ।
६. पथम अचि ।
७. पालि तक्षशिला धम्माचरीया परीक्षा पास याना
गुरु ज्बी योग्य जुल धैगु शाशन धज्ज धम्माचरिय
महाअच्यो घयागु पदवि ।

वस्पोलं विभिन्न गुरुपिन्के विद्या अध्ययन याना बिज्याःगु दु—

१. मोलमिन देशया पालि तक्षशिला विहारया ऊ.
सूरियाभिवंश ।
२. खेमाराम विहारया प्रमुख दो. पञ्चाचारी गुरुमां ।
३. सुवर्णभूमि देशया पिटकत्तय पारगू ऊ. सुवर्णजोति ।
४. सगायङ्ग देशया पट्टान गुरु ऊ. इन्दक आदि ।

वस्पोल सन् १९६३ या सेप्टेम्बर महिनाया १९
तारिख खुन्हु नेपाःया 'योःम्ह म्हाथ' शासनघज्ज धम्माचरिया
धम्मवती नापं नेपाः बिज्याःगु खः ।

वस्पोल नेपाः बिज्याःगु २४ दँ फुना २५ दँ वयन ।
२४ दँया दुने वस्पोलं नेपाःल्य बुद्ध शासनया उन्नतिया लागी
यक्को ग्वाहाली याना बिज्यात । न्हावलें मुसु मुसु न्हिला
अल्सी सचासे सकसितं उलि हे मैत्री-करुणा तया च्वने फुगु
वस्पोलया गुण खः । वस्पोलया बारे न्हाक्को हे धाःसां कम
हे जक ज्बी । वस्पोलयात की सकस्यान बांलाक हे म्हस्यु ।

थ्वहे दँ—वस्पोल अनगारिका जुया बिज्याःगु ५० दँ
पूर्वगु वर्ष नं खः । मेकथं धाःसा वस्पोलया ५० गूगु वर्षवास
पूर्वगु दँ खः ।

११ मा. गुणवती व नेपाः

— धम्मवती

मागुण गुरुमां छम्ह वमयिाम्ह गुरुमां खः । अथेसां थों
छम्ह नेपाःयाम्ह सकलिम्ह नेपाःमिथेंतुं गथे जू वोगु स्मूला ?
जि छम्ह नेपाःया म्हाय्मचा खः अथे नं नेपाःले
मिसातेत तसकं कोथुना तःगु समाज खना जन्मनिसें वाक्कि
वःगु सस्कार ज्वना बयाम्ह धाःसां ज्यू ।

जि नेपाले राणा शासनया पाले जन्म जूम्ह खः ।
अवले ला ऊन हे मिसातेत कोथुना तःगु जक मखु मिसातेत
(प्राण) ज्यू हे मदुपि समान याना तःगु जमाना खः ।

थ्व धयागु मानि भात सित धाय्वं मिसातेत नं म्वाः
म्वाः हे उना छोइगु अवस्था व मिसातेसं आखः ब्वंसा रन्दि
ज्वी वोक्सी ज्वी धका भाःपा ज्वनीगु व करपिसं नं आखः
ब्वंम्ह मिसा खनकि वोक्सी व रन्दि ज्वीत ब्वन धका गिजे
याइगु जमाना खः ।

तर जिमि भां थुकिया विरोधीम्ह खः । म्हाय्यात नं
आखः ब्वंक्व माः, मिसात धयापि मिजंया नोकर जक याय्
यंक्वगु मखु थेंगु भावना दुम्ह खः । उकिं जित पूज्य बुद्धघोष
भन्तेयाधाय् जिमी म्हाय्यात आखः स्यनाव्यु धका लः ल्हाय्
यंकल ।

वस्पोलं नं दच्छिति छु आखः व्वंकल वस्पोल हे
आखः व्वने मानि बर्मा व्वने धका न्हापा रुद्रराज आः सुदस्सन
भन्ते व्वना बर्मा बिज्याय्त कुसिनगरे विज्यात ।

उकि जिमी माँ-म्ह्याय् निम्हसिया व पासापिनि साप
नुग मछिन आखः व्वने मखना ।

अवले हे बर्मायाम्ह धम्मबुद्ध भन्ते धयाम्ह विज्यात ।
वस्पोल नेपालि व नेवा भाय् मसः अथेसां पूज्य बुद्धवोष भन्ते
नं पालि स्यना तःगुलि वस्पोल नाप जि पालि भासं थःत
माःगु छुं खँ प्वंकेफु । वस्पोलं कता विज्याःगु बाखँ व छुं खँ
मेकिन्ति नेपाल भासं अनुवाद याये फु ।

अवले वस्पोलं न्यता विज्यात, छिमिथाय् नेपाले छु
दुःख दु ? जि अवले याक म्हाय् धका माँ-बौ दाजु-किजां
योत्थे तयातःम्ह जुया मेगु दुःख जि छुं मस्यू केवल बुद्ध धर्मया
आखः व्वने मखंगु छगू हे जक दुःख धका स्यू । उकि जित मेगु
दुःख छुं मदु केवल बुद्ध धर्म व्वने मदुगु छगू हे जक दुःख दु
धका उत्तर बिया ।

उकि वस्पोलं जित आपालं दया वना घोर जङ्गल
आसामं हे जित बर्मा यंका विज्यात । जि बर्मा जेले लात
पास्पोर्ट मदुगुलि ! अनं मुक्त जुया जित मोलमिन देशे तय्
यंकल अन खेमाराज धयागु छगू सलसः अनगारिकापि बुद्ध धर्म
अध्ययन याना च्वंगु विहार दु । अन जि थ्यन । अन जि गथे
थ्यन धयागु व वनावले गुलि दुःख जुल धयागु खँ ला योम्ह
म्हाय् सफूलि उल्लेख जुया च्वंगु दु ।

अन आखः ब्वनेगु धयागु किताप स्वया श्वीकायंकां जक मगा फुक्क हे कितापे च्वथें मने व म्हुति कंथस्त वय्क्यमा । उकि न्हिने न्हिने गुरुं स्यना ब्पूगु आखः ब्वनेगु बहनि १०-११ बजे तक्क कंथस्त घोके याना च्वनेमा । अथे बहनिसिया १०-११ बजे मजूवं न्ह्यो वय्का च्वंगु गुरुपिसं खनकि कथि नं दाइतिनि उलि जक नं मखुनि एक घण्टा कम्हे खुनु घाय् पूवने मालिगु दण्ड नं बी तिनि । उकि बहनि आखः घोके यायेबले न्ह्यो वई थें च्वनकि उगू थुगू खं छगू निगू ल्हाना छले याये माः ।

अवले नेपाःया विषय खँ ज्वी — जिमीथाय् नेपाःले मिसातेत साप हे कोथुना तःगु दु । मिसातेत ला ज्यू दुपि हे भाःमप्यू । म्वाः म्वाः सत्य छोया धका उना छोइगु आदि खँ कनेबले अन च्वपि साप आश्रयं चाइगु । गुलिसिनं गिजे याइगु मिथ्या दृष्टित का छिपि धका ! गुलिसिनं साप दया भाब तथा खँ ल्हाइगु — आम बान्हि मदेका छोय्माल का, इमित उपदेश बिया व मिथ्या दृष्टि हटे याये मालका धका खँ ज्वी ।

अवले धाय् — उकि जि नं थन च्वना बुद्धया सम्यक् ज्ञान सयेका वने, छलपोलपिनं छम्ह निम्ह जिमीथाय् नेपाः विज्याना दुःखसिया सां अजापित मिथ्या दृष्टि हते ज्वीगु बाखँ कना विज्याहुं ।

छलपोलपिनि देश वर्माय् धका मिसा मिजं बराबर ! घात्थें ला मिसापि हे भाग्यमानि । तर छुयाय् जिमी नेपाः देशे मिसाते साप दुःख, थःगु छेँ तोता कपिनी छेँय् च्ववनेमा

आखः मसः, थःत दुःख जूसा थः माँ-बौयात चिट्टी छपौ हे
 च्वय् मसः । मभिपिं भात माजु-बाजुपिन्थाय् लावनकि
 साप दुःख । धर्म नं छुं सीका तःगु महु । उकि नेपाःले धर्म
 प्रचार यायेत छलपोलपिनं छम्ह निम्ह बिज्याहुं धका न्ह्यावलें
 न्ह्याम्हं पासापिन्त घाय्गु खः । तर मेपिं पासापिसं गुलिसिनं
 अजागु देशे नं वनेगुला छहे नेपाः वने म्बाल, थन हे नागरिक
 जुया च्वं धका जित हे अन सालेगु स्वई, तर इपिं वय्गु खँ
 मल्हा ।

गुलि पासापिसं ज्युनि जिपिं नं वया बाखँ कना इमिगु
 मिध्या दृष्टि हटे याना बी मालका ल्हाः धका धया अपुक मात्र
 खँ ल्हाइ, तर धात्थें मन मब्बू ।

तर मागुण गुरुमाँ छम्हेसिनं नेपाःयागु खँ कनेबले ध्यान
 सया नं न्यौं धात्थें मन नं बिया नेपाः वय् धका वचन बिया
 बिज्याई ।

वलपोल सलंसः बर्मी अनगारिकापि मध्य तसकं दया
 माया दुम्ह व सहयाय् फुम्ह खः । उकि जि अपो याना
 वस्पोलयात हे नेपाःले सत्य धर्म मथुया पञ्चबलि समेत नं धर्म
 भापा हिंसा याना च्वंगु व मिसातेत ला आपालं अज्ञानं याना
 स्वामदुगुलि हे भूले याना तःगु खँ फुक्क कनेगु । अले वस्पोलया
 दुने थ्यंक हे नेपाःमिपिनि उपरे दया वनिगु जुया च्वन ।
 उकि नेपाःले न्ह्यागु हे दुःख जूसां वय् धका वचन नं बिया
 बिज्यात । धात्थें नेपाः बिज्याना नेपाःले अनेक नय्गु त्वनेगु
 याय् व्यवस्था मजूनवले गुलि दुःख सिमाःगु खः व फुक्क सहः

(८)

याता भोग याता थौ नोन्यादें पूर्वंगु उत्सव समेतं याय् दया च्वन । नेपाःमिपिनि उपरे वस्पोलया माया दया दुगुलि हे माँमं मचाया उपरे दया तथा न्ह्यागु सहः याइ थें वस्पोल सहः याता विज्यःना च्वन ।

बर्मा व नेपाः तुलना यात धाःसा नेपाः दे साप मिसाते निम्ति दयनीय अवस्थागु खः ।

बर्माय् माँ-वौपिसं काय्-म्हाय्या छुं भेद-भाव मतः । काय् बुसां उलि हे लय्ता म्हाय् बुसां उलि हे लय्ता । की जुलं काय् बुल धाय्बले मेगु हे खाः, म्हाय् बुल धाइबले मेगु खाः, मेगु हे सः । काय् बुसा काय् धका तःसकं धाई, म्हाय् बुलकि म्हाय् का धका चिसः याइगु । बुसेनिसें हे पाका तःगु दु ।

अनं शिल्प विद्या स्यना बीगुलि नं म्हाय्का कपिन्त बी मानिम्ह ला खःनि धका भचा ब्वकि । काय्यात जूसा कमाय् याता नको तिनिम्ह धका अपो ब्वकिगुलि माँ-वौपिगु हे नं अज्ञान खने दु ।

हानं काय्यात छें बुं अंस फुक्कं बी, म्हाय्यात छें या अंस स्वाः । क्वसः मात्रं सिधल ।

बर्माय् अथे मखु माँया प्वाथं गोम्ह जन्म जुल अंस फुक्कसित थ्या । काय्-म्हाय्या छुं भेद-भाव मदु । याक काय्पिन्नाय् खःसा म्हाय् बिया छ्वय्नं ज्यू, मखुसा अपोलं अपो काय् हे भौ दुथाय् बिया छोइगु चलन खः बर्माया ।

उकि याना बर्माय् मित्रात साप भाग्यमानि छायाकि
मां ताप म्हाय् च्वना दुःख सुख हने दु । उकि याना
कीथाय् थे भौ व माजु त्वाय्मा धयागु समस्या नं मदु ।
मिजते नं कला व मांया विच्चे कलाया खं न्यने ला मांया खं
न्यने धयागु समस्या नं मदु । कलाया पसितःले वंम्ह धाय्क्यमा
धयागु नं मदु । भौ नं काय् पुइका काल धका खोया जूपि
बुरित नं सुं मदु ।

उकि जि मागुण गुरुमांयात न्हावलें बर्माय् च्वनेवले
धया च्वनेगु नेपाः बना थथे दुःखसिया च्वंपिन्त बुद्ध धर्मया
ज्ञान बिया शान्ति काय्गु स्यने माला च्वंगु दु, नेपाः बने नु ।

उकि जि धम्माचरिया पास ज्वी धुंका नं हानं दच्छि
च्वना अन च्वंपिन्त आखः व्वंका नं मागुण गुरुमांया धम्मा-
चरिया सिमधःतलय पिया नेपाः ब्वना हयागु खः । जि आशा
याना मागुण गुरुमांयात सलसः अनगारिका पासापिनि विच्चे
लोःम्ह ल्यया हयार्थे वस्पोलं जित यक्व गुहालि याना विज्याना
च्वंगु दु । उकि जि मनंतुना थे छुं बुद्ध धर्म प्रचारया ज्या
याये दया सन्तोष दु ।

जि न्हागु ज्या न्याय्क्यत नं आंट वोगु नं वस्पोलं
ल्युने च्वना माक्व गुहालि याना विज्याना च्वंगुलि खः ।
वस्पोलयात आयु आरोग्य ज्वीमा धका व नेपाःले न्हावलें
च्वने फय्मा धका कामना याना ।

नेपालय् २५ दैः जिगु लुमन्ति

— मा. गुणवती

जि वर्मा नेपाः वयागु थ्व दैय् २४ दै फुना २५ दै वयन । नेपाः वय् न्ह्यो जि नेपाःया वारे न्यनातयागु दु—तर घात्थें थथे हे धका वांलाक मस्यु । जि नेपाः वयागु हे नेपाःलय् बुद्ध शासन प्रचार-प्रसार याय्गुली ग्वाहाली बी, तिवः बी धयागु मती तया खः । थौं नेपाः वया थःम्हं मती तया वयाथें बुद्ध शासनया लागी ग्वाहाली बी दया, थन बुद्ध शासन बुलुहुं प्रचार जुया वःगु व बःलाना वःगु स्वय् दया मन लय्ताः ।

थ्वहे मिलसिलाय् जि नेपाः वय्गु मती गुकथं वन व थन वया छु छु ज्या याय् धुन वौगु थःम्हं लुमं कथं छिकपिन्त कने मास्ति वो—

अवले जि वर्माया मोलमिन शहरया खेमाराम विहारे आखः ब्वना च्वनागु खः, नेपाःलं वःम्ह धम्मवती नं अन हे आखः ब्वना च्वंगु । बुद्ध शासनया प्रति दृढ मती दुम्ह व बुद्ध धर्म अध्ययनया लागी तस्सकं दुःख कष्ट सिया वर्मा थ्यंकः वःम्ह जूगुलि धम्मवतीया प्रति जिमी सकस्यां विशेष स्नेह व माया दु । व नाप खं ल्हाना वयावारे व बुद्ध वगु

वया देया वारे सीकेगु जिमी न्ह्याबलें न्ह्याः । थथे हे खँ
 ल्हाय्बले धम्मवतीं न्ह्याबलें धाइ—जिमीथाय् शुद्धगु धर्म
 मस्युनिपि—मथूनिपि हे उपो दनि । धर्म धँगु मथुया पञ्चवली
 पूजा समेतं धर्म धका याना च्वन तिनि । अज्ज, मिसातेत ला
 फ्न तस्सकं कोथुना तःगु दु—उमि शिल्प—विद्या, धर्मया खँ
 छुं सय्के—सीके मदु ।

थुपि खँ न्यनेबले जिमित तस्सकं आश्रयं जक मखु
 नुगः नं मछि । जिमी मतीला बुद्ध वूगु देशय् वस्पोलया शिक्षा
 जिमीथाय् (बर्माय्) सिकं अवश्य हे कः कः धाः धँगु खः ।

खँ ल्हाल्हां धम्मवतीं जित बरोबर धाइ—धम्माचरीया
 सिधय्का जि नेपाः वनेबले छपि नं जि नापं बिज्याहुँ । जितः
 लोःम्ह पासा छम्ह दःसा जक नेपालय् वना जि धर्म प्रचार
 याय् फैं । छःपि छम्ह पासा दःसा जितः तस्सकं अःपुइ, उकें
 छपि बिज्याहुँ ।

धम्मवतीया थजाःगु खँ न्यना जि अबलेनिसें हे मन
 मनं निर्णय याना तया—जि नेपाः वना धर्मया प्रति थपाय्सं
 दृढ व उत्साहीम्ह धम्मवतीयात ग्वाहाली बी, भरोसा बी,
 थथे याय् फ्यमा धका जि प्रार्थना नं याना च्वना ।

थुकथं हे धम्मवतीया नं धम्माचरीया ववचाल, जि नं
 ववचाल । जिनं धम्मवती नापं नेपाः वनेगु निश्चीत जुल ।

(१२)

बर्मा नेपाः पाखे

वि. सं. २०१६ साले (१९६३) धम्मवती नापं नेपाः वय्या लागी बर्मा तोतेगु दि बल । थःगु देश तोता गुबले प्याहाँ बने मलनिगु, अले थःम्हं न्यनाया आधारे जक स्यूगु तर धात्थें मस्यूनिगु देशय् बनेया लागी प्रस्थान याय् त्यना ! तर मती दृढ विश्वास व भरोसा दु, तःधंगु आशा व उल्लास दु — छाय्कि भगवान् बुद्धया शासनयात तिवः बीया लागी, बुद्ध शिक्षाया अमृत रस बुद्ध बूगु हे देशय् च्वंपिन्त नं सवाः थ्वीका बीया लागी, अले थःगु देशय् बुद्ध शासन उन्नति याय्गु उत्कृष्ट अभिलाषा दुम्ह नेपाःया 'योम्ह म्हाय्' धम्मवतीयात शासनिक ज्याय् ग्वाहाली व तिवः बीया लागी जि नेपाः वनाच्चना ।

अवले बर्मा नेपाःले तप्यंक हवाई सम्पर्क मदुनि । उकिं बर्मा कलकत्ता तक्क वया । ३ घण्टा हवाई यात्रा याना कलकत्ता थ्यन । कलकत्ताया विमानस्थलय् रत्नमंजरी गुरुमाँ, मणिहर्ष साहु व चन्द्रकुमार गुरुजुपि वया काः बयाच्चन । चच्छि बर्मी विहारे च्वना कनेखुन्हु मणि साहुया छेँ सरे जुया । केशरीलक्ष्मी साहुनी व दानलक्ष्मी साहुनीपिन्सं माक्को विचाः याना दिल । अन प्यन्हु न्यान्हु च्वना कलकत्तां हवाई जहाजं नेपाः पाखे वया । अवले कलकत्तां नेपाः वय्त हे ३ घण्टा बी । जिमी नापं रत्न मंजरी गुरुमाँ नं नापं बल ।



मा. गुणवती व धम्मवती

बि. सं. २०१९ साले नेपाः बिज्याःबले



येय ध्यन

प्लेन दित । जिपि ववाहाँ वया—नेपाः ध्यन !!
 धात्थे खःला ! बुद्धया देश नेपाः । थः अपाय्स्सं योगु शान्ति
 व सुखया ले वयना विज्याम्ह बुद्धया देश ! अले नेपाःलं
 बर्माय् ध्यना च्वंगु बर्माय् तःजिगु व कः कः धाया च्वंगु धर्म
 नेपाःयापिन्त इना वीगु थःगु इच्छा व आकांक्षा आः पूर्वनीगु
 जुल ।

विमानस्थलय् धम्मवतीया मां, दाजुकिजापि, सुदर्शन
 भन्ते, महाप्रज्ञा गुरुपि सहित आपालं उपासक उपासिकापि
 वया काः वया च्वन । बर्मा ध्यंक वनाः, अज्ज बिस्यू वना,
 यक्को सय्का सिइका वम्ह धम्मवतीयात अनयाःगु स्वागतं जि
 थू—नेपाःमिपिन्सं थुम्ह नेपाःमि म्हाय्मचापाखें बुद्ध शासनया
 लागी यक्को आशा याना च्वंगु दु । उमिगु मुसुमुसु न्ह्यगु
 ख्वालं सीदु—उमिके छगू न्हुगू आशा व विश्वास दना वःगु
 दु । गय् व गुकर्य ज्वां धका जि कल्पना मयानासां जिगु
 मंतमंत धया च्वन—धम्मवती थुमिगु आशा व विश्वास
 फय्फुगु थां खः । थुमिगु आशा व विश्वासयात फया धम्मवतीं
 बुद्ध शासनयात कः कः धाय्कीतिनी, वःलाकीतिनी, विस्तृत
 याइतिनी । धम्मवतीया नेपाः ल्याहाँ वःगु दि नेपाःया बुद्ध
 शासनय् छगू महत्वपूर्णगु जक मखु छगू आवश्यकता नं जुया
 च्वंगु खं जि लिपा ध्वीका ।

अवले जिपी च्वनेत विहार मद्दुति, उकि विमानस्थलं

धम्मवतीया छेँय वना । अन च्वंतले माक्को फुक्क धम्मवतीया
मां प्रमुखं परिवारपिन्सं पुरेयाना तल । थुगु ईलय् नेपाः व
नेपाःमिपिनिगु बारे यक्को खँ सीका, अनुभव याना ।

अवले गणमहाविहार नकतिनी नकतिनी लुयावःगु
जुया च्वन । अन सुमंगल भन्ते नं ५०-६० म्हति मस्तेत
आखः ब्वंका च्वना बिज्यागु जुया च्वन । भन्ते विदेशय्
बिज्याय माःगु जुया उपि मस्तेत आखः ब्वंकेगु ज्या जिमित
लः ल्हाना बिज्यात । उकें जिपीं नं यें ज्याःबहाले भाजु रत्न
शाक्य व ज्ञानमान शाक्यया छेँय च्वना अन हे उपि ५०-६०
म्ह मस्तेत धम्मपद, त्रिरत्न वन्दना, परित्राण इत्यादि धमाधम
ब्वंकेगु याना । थुकथं अन प्यला-न्यालाति च्वना ।

अवले स्वयम्भू ज्ञानमाला खलः पाखें बाहा-बहिलय्
बुद्ध-पूजा न्याय्का च्वंगु जुया च्वन । अले भन्तेपिनीपाखें
बाखें कनेगु ज्या नं जुयाच्वन । ध्वहे कार्यक्रमय् पूज्य सुदर्शन
भन्ते नं जिमित नं बाखें कनेगु पाः बिया बिज्यात । अवले जि
नेवाः भाय् बांलाक ल्हाय् हे मसनि । उकें जि बर्मी भासं
कनाः धम्मवतीं नेवाः भासं अनुवाद याना बीगु यात । थुकथं
विहारय्, त्वाः-त्वाःलय् नं बाखें कनेगु शुरु जुल । थुकथं
छथाय् निथाय् यायां यक्कोथाय् बाखें कना वना । बाखें
न्यपिन्सं सवाः थुया वः लिसे न्यनीपिं नं कं क वढेजुया वल ।
विस्तार विस्तारं जिमित माःगु विचासचा याइपिं नं दया वल ।
अले दातापिन्सं गुरुमांपिन्त च्वनेगु भाय् छगू बन्दोबस्त याय्माल
धका विचाः याना विहार दय्केगु थाय् स्वः जुल ।

घाघामघां २०२० साल गुंला थ्यन, तःखाछे दान-
लक्ष्मी साहुनीया छेय् च्वना अन हे गुंला लच्छियंक बुद्ध-पूजा
याय्गु व बाखँ कनेगु नं याना !

बिहार गन दय्केगु ?

दातापिन्सं विहार दय्केत विभिन्न थाय् स्वः जुल ।
फुककस्यां थःपिन्थाय्पाखे हे जिमित तय् मास्ते वो । उकें
विहारनं थःपिन्थाय्पाखे हे दय्के मास्ते वो । धम्मवतीया मां
व दाजुकिजापिन्सं यलय् हे विहार दय्का जिमित अन हे तय्त
मेहनत याना च्वन । ये च्वपि चतुरत्न, भाजुरत्न, ज्ञानमान
शाक्यपिन्सं क्वःनेपाखे हे विहार दय्का बीगु मती तया च्वन,
ज्यावहाल, क्वंसाबहासे (आः अ. पटाचारी व धम्मदस्सी
बज्येपि च्वनाच्वंगु) विहार दय्का बीगु निर्णय याना तल ।

अथे हे येया थःनेपाखे च्वपिन्सं नं नयां सडक, दुगंबही,
श्रीघः, भगवानबाहाःपाखे हे विहार दय्का बीगु मती तया
थाय् स्वः जुल ।

फुककस्यां गुरुमांपि दत्तकी बाखँ न्यंवय अःपुइ, धर्म
सय्के सीके अःपुइ घेगु अभिलाषा जुया च्वन ।

यक्को दृष्टिकोणं श्रीघःलय् विहार दय्केगु पाय्क परे
जोगु खने दत्त । श्रीघःलय् हे विहार दय्केगुली विशेषं
लक्ष्मीप्रभा असं, केशरी लक्ष्मी जमल व दानलक्ष्मी तःखाछे
साहुनीपिन्सं विशेषं जोड बिया फुगु ग्वाहाली नं याय् घेगु

भलसा विया दीगु खः । फुक्कसिगु सहमतं श्रीवल्लभ हे
रत्नवहादुर मातोया जग्गा न्याना विहार दय्केगु निर्णय जुल ।
धम्मवतीया वाः नं थः सी न्ह्योः म्हाय्यात धका स्वदो दाँ
विया थकुगु जुया च्वन । जग्गाया मूनं स्वदो ! उकें धम्मवती-
या वानं विया थकुगु धेवां जग्गा न्याना अड्डा खर्च न्यासः दाँ
चतुरत्न शाक्य ज्याबहाः नं तया दिल । थुकथं थौया धर्मकीर्ति
विहारया स्थापनाया पूर्व-तयारी ज्या पूवन । उवले शायद हे
सुनानं कल्पनायागु दै—अवलेया उगु थासय् धर्मकीर्ति विहार-
या थौया रूप काइ धका ! !

उगु थासय् थौया धर्मकीर्ति विहारया रूप छकोलं वने
जूगु मखु । छकूछकू यायां विस्तारं विस्तारं विस्तृत व परिवर्तन
जुजुं थौया धर्मकीर्ति विहारया स्वरूप तयार जूगु खः । अवले
शायद हे सुनानं कल्पना यागु खइ—अवलेया कारपातं जाया
च्वंगु उगु थासं धर्मकीर्ति विहारया थौया रूप काइ धका !
तर थव फुक्कं सम्भव जुल—फुक्क उपासक उपासिकापिनिगु,
श्रद्धालुपिनिगु, दातापिनिगु अटुट तिवः व स्वाहालि ! !

धर्मकीर्ति विहारया स्थापना

जग्गा न्याय थुंका विहार दय्केगु ज्या शुरू जुन ।
विहार निर्माणया ज्याय् विशेषं लक्ष्मीप्रभा साहुनी, केशरी
लक्ष्मी साहुनी व दानलक्ष्मी साहुनीपिसं स-श्रद्धा स्वाहाली
विया दीगु खः । तापं फुक्कसिगु श्रद्धा कथं ४२ फुट हाकः व

२१ फुट व्या दुगु छत जाःगु विहार तयार जुल । विहारया नां
 'धर्मकीर्ति विहार' धका तथा । श्व समय खः—२०२२ सालया
 बैशाख (बैशाख पुन्ही च्यान्हु न्ह्योःया अष्टमी खुन्हु) । श्वहे
 दियात थौं तक्कं धर्मकीर्ति विहारया जन्मदिया रूपे भोजन दान
 व विभिन्न कार्यक्रम याना व्याप्का दयाचवंगु दु । थुकथं
 धर्मकीर्ति विहारया स्थापना जुल ! धर्मकीर्तिया इतिहासया
 शुरुवात जुल !! थुकि नेपाःलय् बुद्ध शासन प्रचार-प्रसार व
 संवर्द्धत याय्गु जिमिगु अभिलाषायात न्हूगु मोड व गति नं
 प्राप्त जुल ।

अवले चिकिचावंगु धर्मकीर्ति विहारं थौंया रूप गुकथं
 काः वल धका नं कने मास्ते वोः । समय अनुसारं आवश्यकता
 खने दया वःलिसे छकू छकू यायां दातापिनी श्रद्धाकथं विस्तार
 व निर्माणया ज्या जुया वःगु खः । उपि ज्यात थुकथं खः—

बि. सं. २०२४ साले हेराकाजी डिल्लीबजारं पूर्वपाखे
 भुतू छकू देका दिल । २०२५ साले नन्दलाल जोशीं हिती वः
 मोः लहुइगु कोठा देका दिल ।

२०२५ साले हे धम्मवतीया मां व किजा मोतिकाजी-
 यापाखें छत जाःगु धर्मकीर्ति विहारयात नित जाः याना दिल ।
 तले दथु कोठा छकू थकाया दिल ।

२०२८ साले हेराकाजी व कुलिसरत्न साहु प्रमुख
 बुद्ध-पूजाय् काइपिन्गु ग्वाहाली बुद्ध-पूजा याय्गु हल तःधकेगु
 व तले पूर्व उत्तरपाखे मेगु छगू कोठा थकाय्गु ज्या जुल ।

(१८)

२०३० साले हेरादेवी जनबाहाः नं मांया नामं तले पूर्व
दक्षिणपाखे छकू कोठा थकया दिल ।


२०३२ साले हर्षरत्न व सानुरत्न साहुपिम्सं थः मां-अबु
व कान्छा साहुया नामं पश्चिमपाखे नित थकया निगूगु तल्लाय्
बुद्ध मूर्ति सहितगु हल व स्वंगूगु तल्लाय् स्वंगू कोठा देका
दिल ।

२०३७ साले बुद्ध-पूजा याय्गु हल चीवं जूगुलि
दक्षिणपाखे दुगु बगैचा तोपुया हल देकेगु ज्या जुल, हेराकाजी
साहु व आशामाया मरूपिनिपाखें ।


२०३८ साले बुद्ध-पूजा हले छम्ह जक बर्मी बुद्ध मूर्ति
दुगुली चन्द्रमाया मर्चलि मेम्ह छम्ह बुद्ध मूर्ति व बुद्ध-पूजा
खलःया श्रद्धां लुँ सियातःम्ह सिजःयाम्ह दनाच्चम्ह बुद्ध मूर्ति
स्थापना याय्गु ज्या जुल ।

२०४० व २०४३ साले निकः याना भिमबहादुर,
दिलमाया मासंगल्लीपिनीपाखें दक्षिणपाखेया कःसी तोपुया
कोठा देकेगु ज्या जुल । २०४० साले अष्टमाया, मोहनपिनी-
पाखें पम्पु हिटी तथा दिल व २०४३ साले कृष्णदेवी क्षेत्रपाटी-
पाखें वहे पम्पु हिटी हानं न्हू याना तथा दिल ।

विहारे काइपि उपासक उपासिकापि बढे जुया वःथें
विहारे च्वनीपि अनगारिका गुरुमापि नं बढे जुया वयाच्चंगु
दु । नापं इलेबिले नेपालं व बिदेशं वइपि पाहुनापि नं वया
च्चंगु दु ।



वि. सं. २०२२ सालय्



वि. सं. २०२५ सालय्



वि. सं. २०३२ सालय्

धर्मकीर्ति बिहारया विभिन्न रूप : विभिन्न समय

अवले छतजाःगु उगु विहारया बच्छी भागे बुद्ध-पूजा
आदि अन्य गतिविधिया लागी बुद्ध मूर्ति सहितगु छगू हल व
बच्छी भागे चवनेगु कोठात दुगु खः । विहार दसेलि ज्या
याय्त अःपुल, छिन । आः छु ज्या याना वनेगुले ? धैगु
विषय सल्लाह व विचाः याना ।

श्रद्धालु उपासक उपासिकापिनिगु मति व आग्रह कथं
न्हापां बुद्ध-पूजा व धर्मदेशनाया कार्यक्रम दय्का लय न्याकः
(पुन्ही, आमाई, संलहु व अष्टमी निकः) । थुगु ज्या थौं तक्कं
अटुट रूपं न्ह्याना हे वयाच्चंगु दु । बुद्ध-पूजाय् काइपि नं
क्रमिक रूपं वृद्धि जुजुं वःगुलि विहारया हल तस्सकं चिकू
जुया वल । विहारयात तःघं याय्मागु आवश्यकता खने दया
वल । बुद्ध-पूजाया नापं भतिभति यायां भावना अभ्यास
याकेगु ज्या नं शुरु याना ।

मस्तेत शिक्षा बीगु नं आवश्यक खने दुगुलि थ्वहे
सालनिसें न्हिन्हि सुथे सुथे मस्तय्त आखः ब्वंकेगु ज्या नं शुरु
याना । मस्तय्त उमिगु स्तर अनुसारं ग्वः आखः स्यनेगु नापं
नापं बुद्ध-पूजा, दशपारमिता, अर्थ सहित मंगलसूत्र, परित्वाण,
धम्मपद, व अभिधर्म आदि नं स्यनेगु याना । न्हिन्हि ब्वंवइपि
मस्त नं आपालं दया वल । निम्ह प्यम्ह मस्त तथा शुरु यानागु
उगु कक्षाय् सलंसः मस्त ब्वंवइपि दत । फुक्कं याना आः
तक्कया दुने थुकथं विहारे आखः ब्वना वंपि मस्त न्यादो-
खुदोलं मयाय् धुकल । उपि मस्त थौं तःघी जुया विभिन्न

(३०)

क्षेत्रम्, थःथःगु ज्या (पेशा) याना च्वंगु दु । विहारे मवःसां उमिके आः तक्क धर्मया प्रभाव लाना हे च्वंगु दु । पसः वनेवले पसः पसलय्, अस्पताले, सरकारी अफिसय्, स्कूल-कलेजय् थुपि मस्त बरोबर नाप लाः ।

व्यवस्थित रूपं परिक्षा दय्का व्वंके दःसा कन अप्पो बांलाइ धंगु मति तथा धर्मकीर्ति विहारे हे विभिन्न स्तर व परिक्षात नं दय्का । धर्म अध्ययन याइपिन्त प्रोत्साहन बीया लागी सफल जूपिन्त पदवी व पुरस्कारत नं बीगु याना ।

धम्मपद व अभिधर्मया न्यागू कक्षा तक्कया परिक्षा दय्का । प्रत्येक कक्षाय् धम्मपदया न्यागू वर्ग व अभिधर्मया तिगू कण्ड यायां धम्मपदया तीखुगू वर्ग व अभिधर्मया गुंगू कण्ड सिधय्कूपिन्त 'धम्मधर' धंगु पदवी नाप पदक व पुरस्कारया व्यवस्था नं याना ।

अवले त्रिशूलीया धर्मरत्न शाक्यथा आग्रहकथं पूज्य बुद्धघोष भन्तेया सक्रियताय् भिक्षु महासंघपाखें नेपाल बौद्ध परियत्ति शिक्षा नं नकतिनि नकतिनि गुरु जूगु खः । परियत्ति शिक्षा बुद्ध शासनया जग जुयाच्चंगु कारण थुकीयात अभिवृद्धि याय्मा धंगु मती तथा धर्मकीर्ति विहारे नं मस्तेत परियत्ति व्वंकेगु, परिक्षा वीकेगुया नाप परिक्षाय् बोर्ड वःपिन्त विहारय् हे पुरस्कार बीगु नं याना च्वना । अवले तक्क परियत्ति शिक्षायापाखें पुरस्कार बीगु व्यवस्था मदुनि ।

नेवाः समाजय् मिसातय्त कर्म खंकेगुया रूपे फिनिन्ह
 (१२ दि) तक्क कोठाय् कुना बाह्या तय्गु छगू परम्परा दु ।
 थौकन्हे थ्व ज्या माँ-बोपिन्त नं थाकुया वयाच्वन । मस्तेत नं
 फिनिन्ह तक्क शुद्धगु फय् मदय्क ख्युं क, नवय्क कुं का च्वने
 माःगुलि तस्सकं थाकु । उके थ्व परम्परायात बौद्ध पहल
 हीके दःसा ज्यू धैगु मस्तिताया फिनिन्ह तक्क बाह्या तय्गु सत्ता
 विहारे हया फिनिन्ह तक्क ऋषिनी प्रव्रज्या बीगु ज्या नं शुरु
 याना । थुगु समय जोःछि उपि ऋषिनीपिन्सं अष्टशिल पालना
 याना च्वनी । उमित बुद्ध शिक्षा सम्बन्धि ब्वंकेगु-स्यनेगु नापं
 ध्यान भावना याकेगु नं याना च्वना । आः तक्क धर्मकीर्ति
 विहारे ५०० म्हं मयाक्क मिसा मस्तसं थुकथं ऋषिनी प्रव्रज्या
 काय् थुं कुगु दु ।

च्यान्हुइ छकः बुद्ध-पूजाय् काइपि श्रद्धालु उपासक
 उपासिकापिन्तं वढे जुया बल । बुद्ध-पूजाय् काइपि उपासिका-
 पिनि विहारे वनेबले छु वसः पुना वने ? वांवांलागु वसः हे
 पुना वनेमा धैगु भावना मदय्का साधारण वसः पुनेगु, सकस्यां
 जोडां पुनेगु व थःगु देशय् तयार जूगु घरेलुया पसि सिनेगु नं
 बानि याकेया लागी विहारे वय्बले ज्वरा पसि सिनेगु प्रचलन
 न थ्वहे विहारं न्हापां शुरु जुल । थुकेयाना वांलागु वसःया होड
 व मदुपिनी गन कया पुनेगु धैगु धन्दा मस्त । नापं फुककस्यां
 जोरा पसि सिनेबले सम-भावना नं अपुक्क हे पिज्वल ।
 स्वदेशी उद्योगयात नं तिवः जूवन । थ्व प्रचलन थौं मेमेगु
 विहारय् तं दया वःगु लय्ताये बःह जू ।

(२२)

अध्ययन गोष्ठीया स्थापना

धर्मकीर्ति विहारया स्थापनाया खुदें (६ वर्ष) लिपा २०२८ साले धर्मकीर्तिया गतिविधिइ छगू न्हूगु पःला थपे जुल—व खः धर्मकीर्ति बौद्ध अध्ययन गोष्ठीया स्थापना । आः तक्कया दुने याना वयागु शासनिक ज्याया माध्यमं विहारय् वइपिनिगु संख्या गावकं बढे ज्वी धुंकल—बुद्ध-पूजाय् काइपि नापं सुथे सुथे आखः ब्वंवइपि मस्तनं । थुलिया दुने धार्मिक गतिविधित नं यक्को हे बढे जुल । विहारय् काइपिन्त बाखें कनेगु, स्यने कने याय्गुया नापनापं पिनेपिने नं थाय्थासय् धर्मदेशना, बुद्ध-पूजा, परित्राण नं यक्को जुया वल । धर्मय् श्रद्धा दुपि व तय्सपि नापनापं व्यवहारय् छ्यले सःपि नं दयावल । पूजापाठ व धर्मदेशनाया नापं भावना याइपि नं बुलुहुं बुलुहुं दया वयाच्वन । थःम्हं धर्म थूथें थः परिवार, थःथिति व पासापिन्त नं धर्म घ्वाय्सःपि जुयावल । तापं थः काय् म्हाय् छेयापिन्त नं विहारय् घ्वाना हइपि, तापं मस्तसें नं थः पासापिन्त विहारय् साला हल । थुकथं धर्म मने दुपि मस्तेगु संख्या गावकं बढे जूगु जक मखु—उपि बाखें जक न्यनां सन्तोष मज्जीपि नं जुया वल । धर्मया विभिन्न पक्षया विषय अप्पो क्रमबद्धरूपं गहन अध्ययन याय्गुली अभिलाषा याइपि जुया वल ।

थ्वहे आवश्यकतायात पूर्वकेया लागी बि. सं. २०२८ साल जेष्ठ ७ गते स्विम्ह (३०) युवा सदस्यपि मुंका

धर्मकीर्ति बौद्ध अध्ययन गोष्ठीया विधिवत स्थापना जुल ।
 अध्ययन गोष्ठीया स्थापनाया मूल उद्देश्य हे थःम्हं नं धर्मया
 अध्ययन याय्गुया नापं मेमेपिन्त नं ध्वीका बीगु हे खः ।
 धात्थेनं अध्ययन गोष्ठीया स्थापनानिसें धर्मकीर्तिया गतिविधिइ
 देवा व गति ब्यूगु जक मखुसें यक्को न्हून्हुगु आयामत नं थपे
 जूगु दु । थ्व धाय् दया लय्ताः वः कि अध्ययन गोष्ठीया
 माध्यमं यक्को ल्याय्म्ह ल्यासेपिन्त धार्मिक क्षेत्रय् साला
 काय्गु व धार्मिक भावना दय्का ब्यूगु दु । धर्मया माध्यमं
 सामाजिक व नैतिक दायित्वया बोध याना ब्यूगु दु । अध्ययन
 गोष्ठीया प्रत्येक कार्यक्रमय् बिहारया उपासक उपासिकापिन्सं
 माक्को ग्वाहाली विया वःगु दु । अध्ययन गोष्ठीया स्थापनाया
 उद्देश्यत छु छु धका नं छिकपिन्त कने मास्ते वोः—

- (१) बुद्धया शिक्षायात न्हापां थःम्हं बांलाक अध्ययन
 याय्गु ।
- (२) थःपिन्सं सय्कागु शिक्षायात गाँ-गामे वना
 मेपिन्त नं कनेगु ।
- (३) देश विदेशं वःपि बौद्ध विद्वानपिन्त स्वागत
 सत्कार याना विचाः व ज्ञानया आदान प्रदान
 याय्गु ।
- (४) बुद्ध व बुद्ध धर्म सम्बन्धि सफू-पत्रिका प्रकाशन
 याना तातापाक्क नं धर्म प्रचार याय्गु ।

शुपि प्यंगुलि उद्देश्यत हनेया निमित्त विभिन्न ज्या खंठ
थौ तक्कं अटुट रूपं न्ह्याना च्वंगु दु । अज्ज शुके यक्को विस्तृत
नं ज्वी धुं कुंगु दु । अध्ययन गोष्ठीया स्थापना जुसेंनिसें हे
थुक्कियात् पूज्य अश्वघोष भन्तेयापाखें वक्तातुसे च्वंगु सहयोग व
निर्देशन अटुट रूपं प्राप्त जुया च्वंगु दु ।

न्ह्यापांगु उद्देश्य कथं—प्रत्येक शुक्रवार न्हिने बुद्ध धर्म
सम्बन्धि कक्षा शुरु जुल । उगु कक्षाय् बुद्ध जीवनी, गृही
विनय इत्यादि अध्ययन नापं बुद्ध धर्मया विभिन्न पक्षत कया
प्रवचन नं जू । विद्यार्थीपिन्त तालिमया रूपे लेख च्वयंगु,
न्वदायंगु, सभा सञ्चालन यायंगु, रिपोर्ट च्वयंगु इत्यादि विषय
तालिम नं शुरु जुल । नापं इलयविलय बौद्ध हाजिरी जवाफ,
वाद-विवाद, खलहावल्हा (Dialogue) छलफल इत्यादि
कार्यक्रम नं शुरु जुल ।

शुक्रथं अध्ययन गोष्ठीया कक्षाय् वइपि विद्यार्थीपिनिगु
संख्या सच्छि मयाक नं दया वल ! थौकन्हे श्व कक्षा विद्यार्थी-
पिनिगु सुविधानुसारं प्रत्येक शनिवार सुथय् संचालन जुया
च्वंगु दु । कक्षा अप्पोयाना पूज्य भन्ते अश्वघोष, धम्मवतीपाखें
व गुबलें अतिथी वक्तापिनीपाखें व आःला अध्ययन गोष्ठीया
सदस्यपि थःथःपिन्सं हे नं कक्षा संचालन याना च्वंगु दु ।

निगुगु उद्देश्य कथं—न्ह्यापांगु दंय् हे त्रिशूली धर्म
प्रचार यात्रा जुल । अनं लिपा यें, यल, ख्वपया विभिन्न
गाँ-गामय् वना धर्म प्रचार यायंगु ज्या आः तक्कं जुया च्वंगु



अध्ययन गोन्ढीया सदस्यपि नाप : बि. सं. २०२८ सालय्



दु । थुकेंयाना न्हाबलें धर्मया खें न्यनेगु अवसर मदुगु उगु
थासय् च्वंपिन्त धर्मया खें न्यने दइगु जुलसा यें च्वंपि कीत नं
विभिन्न गाँ व अन च्वंपि भनूतेगु जीवनया बारे सीकेगु सय्केगु
अवसर प्राप्त जूगु दु । आः तक्क ५० गुलि मयाक गामय्
वने धुथें च्वं । नापं इलय् बिलय् उपत्यकां पिने नेपाःया
पूर्वनिसें पश्चिम तक्क वना धर्म प्रचार याः वनेगु ज्या नं जुया
च्वंगु दु ।

स्वंगुगु उद्देश्य कथं—देश विदेश वःपि बौद्ध विद्वान-
पिन्त विहारे स्वागत सत्कारया कार्यक्रम जुया वया च्वंगु दु ।
आः तक्क २०-२५ गू देशया बौद्ध विद्वानपिन्त स्वागत ज्वी
धुंकुगु दु । थुकेंयाना बौद्धया नातां नेपाः वइपि विद्वानतेत
नेपाःले नं बौद्धतेगु व बौद्ध गतिविधिया परिचय विया च्वंगु
दुथें उपि देशया बौद्ध गतिविधिया बारे थःपिन्सं सीकेगु
अवसर नं प्राप्त जुया च्वंगु दु ।

प्यंगुगु उद्देश्य कथं—आः तक्कया दुने १०० गुलि
मयाक चीधंगु-तःधंगु सफू प्रकाशन ज्वी धुंकुगु दु ! न्हाबलें
विहारे वये मफुपिनिगु लागी धर्मयाबारे सीकेत थुकें यक्को
गवाहली ब्यूगु दु । नापं नेवाः व नेपाली भाषाय् बुद्ध धर्म
सम्बन्धी सफूयागु अभाव छुं भति जूसां पूति जूगु दु । नापं
थूपि सफूत उपत्यकां पिने ता-तापाक्क गाँ-गामय् नं छ्वया
च्वना । अन च्वनिपिगु लागी थुपि सफूत यक्को लाभप्रद जुया
च्वंगु दु ।

बि. सं. २०२६ सालनिसें हे 'धर्मकीर्ति' नांगु पत्रिका

(२६)

द्वैत छगू पिकया वया च्वंगु दु । २०४० सालनिसें थ्व पत्रिका निलाय् छगू व २०४२ सालनिसें मासिकया रूपे प्याहाँ वया च्वंगु दु । पत्रिकाया प्रकाशन प्रधान सम्पादक जुया विज्याम्ह पूज्य अश्वघोष भन्ते, मावको स्वाहाली विद्या दीम्ह सानु साहु नापं अध्ययन गोष्ठीया मस्त व मेमेपि यक्कोसिगु श्रद्धा व स्वाहालि हे न्ह्याना च्वंगु खः ।

वि. सं २०२८ सालं हे धम्मवतीया माँ व किजा मोतिकाजीयात बुद्धगयाय् यंका छुं दिनया लागी अनगारिका व श्रामणेरे प्रव्रज्या याना हया । थुकथं दुर्लभ प्रव्रज्या अल्पकाल रूप्य जूसां ग्रहण याय्गु कार्यक्रम नं निरन्तर रूपं जुया हे वया च्वंगु दु ।

वि. सं. २०२९ सालनिसें धर्मकीर्ति पत्रिकाया वार्षिक प्रकाशन शुरु जुल । थ्वहे द्वैत धर्मकीर्ति बौद्ध अध्ययन गोष्ठीया न्हापांगु वार्षिकोत्सवया उपलक्ष्य्य अध्ययन गोष्ठीया सदस्य-पिन्त हस्तकला सम्बन्धी तालिम व विहारय् भव्यरूपं प्रदर्शनी न्याय्कल । उक्त प्रदर्शनी बुद्ध मूर्ति व चित्रकला नापं अध्ययन गोष्ठीया सदस्यपिन्सं हे तयार याःगु भों-स्वाँया प्रदर्शन नं बाँलाक जुल । नापं अन्तर विहार बौद्ध हाजिरी जवाफ प्रतियोगिता नं सम्पन्न जुल ।

व हे सालं बर्मा प्राप्त जूम्ह आसन सहितगु बुद्ध मूर्ति भव्यरूपं जात्रा याना भोंतया ध्यानकुटी विहारय् प्रतिस्थापन याय्गु ज्या जुल । उगु जुलुसय् येँ, यल, खप व भोंतया द्वलदीः श्रद्धालु उपासक उपासिकापिन्सं भाग काल ।

वि. सं. २०३० साल बैशाख पुन्हीया उपलक्ष्यय् छगू न्हूगु कार्यक्रम शुरु जुल— बैशाख पुन्हीखुनु काठमाडौंया फुक्क अस्पतालय् वना अनया विरामीतेत बिस्कुट व फलफुल इनेगु । थ्व कार्यक्रम नं आः तक्क न्ह्याना हे वयाच्चंगु दु । थ्वहे दैनिसें मेगु नं कार्यक्रम शुरु जुल— प्रत्येक पुन्हीया छन्हु न्ह्यो श्रीधः चैत्य व बाहाः सफा याय्गु कार्यक्रम । विहारय् काइपि उपासक उपासिकापि थःपिन्सं हे तुफि—च्वाफि इत्यादि ज्वना बँ पुना बाहाः सफा याय्गु ज्या नं अटुटरूपं न्ह्याना हे वया च्वंगु दु ।

थ्वहे दैय् स्वास्थ्य सेवाया मेगु नं कार्यक्रम शुरु जुल— डा० थीरमान शाक्य व सिष्टर (नर्स) तारादेवीया सक्रिय सहयोगं विहारय् विरामीतेत जाँचे याय्गु व मदुपिन्त बासः नं बीगु । थ्व कार्यक्रम २-३ दँ तक्क चले याना । न्हापां विहारय् शुरु याना लिपा साप्ताहिक रूपं गाँ-गामय् वना नं स्वास्थ्य सेवा याः वनेगु तक्क याना ।

थ्वहे दैय् विहारया आयोजनाय् बसं चारधाम वनेगु ज्या नं सम्पन्न जुल । नेपाल थुकथं बसं चारधाम वनेगु ज्या जि स्यूकथं थ्वहे न्हापांगु खः ।

वि. सं. २०३१ साले नं मेमेगु ज्याया नापं कालि-माटीया टि० वि० (क्षयरोग) अस्पताले लःया त्यांकी तया, घडी छगू नं प्रदान याना, नापं विरामीतय्त माःगु अन्य छुं वस्तुत नं फुकथं प्रदान याना ।

(२८)

वि. सं. २०३२ साले विहारय् काइपि उपासिकापिन्त न आखः स्पनेगु कथं प्रौढ शिक्षा शुरु याना । आखः स्पनेगुया नापं वय्कःपिन्त नं धम्मपद, अभिधम्म, गृही विनय इत्यादि द्दका परिक्षा समेत काय्गु, परिक्षाय् पास जूपिन्त प्रत्येक वर्षय् पुरस्कार बीगु नं शुरु याना । थ्व ज्या नं न्ह्याना हे वया च्वंगु दु ।

नेपा.मि बौद्धपिन्त नं बौद्ध देशया भ्रमण याका बहुश्रुत दय्का बीगुया लागी, उपासक उपासिकापिनिगु लागी बर्मा व थाइल्याण्डया भ्रमणया आपोजना याना । थ्व यात्राया मेगु विशेषता—नेपाः ल्याहाँ वया १४ दं तकक धर्म प्रचार याय् थुं का धम्मवती हानं बर्मा वंगु थ्व न्हापांगु पटक खः ।

वि. सं. २०३३ साले—नेपा.मिपिन्त थःगु हे देशया विभिन्न भागया अनुभव याकेगु नापं, विभिन्न थाय्पा बौद्ध गतिविधि जानकारी याकेगु कथं पूर्वनिसें पश्चिम तकक (७ गू अञ्चल) 'नेपाल-दर्शन' यात्राया आयोजना जुल । अनया बौद्धत व बौद्ध गतिविधिया परिचय नापं थाय् थासय् बुद्ध-पूजा, धर्मदेशना, प्रवचन नापं बुद्ध जीवनी सम्बन्धी स्लाइड तकक प्रदर्शन जुल ।

वि. सं. २०३४ साले अन्य कार्यक्रमया नापं अध्ययन गोष्ठीया सदस्यपिन्त 'विरामी बिचाः याय्गु' तालिम, 'प्राथमिक उपचार तालिम' सञ्चालन जुल । नापं अध्ययन गोष्ठीया सदस्यपिन्त विभिन्न बौद्ध नाटकत दय्का प्रदर्शन यात ।

थ्वहे दँय् अधयन गोष्ठीया भिसापि सदस्यतेगु छगू समूह भोंतया ध्यानकुटी विहारय् ऋषिनी प्रव्रज्या ग्रहण याना बुद्ध धर्म अध्यय व अभ्यास याय्गु ज्या नं जुल ।

वि. सं. २०३५ साले अधयन गोष्ठीया १४ म्ह सदस्यपि भोंतया ध्यानकुटी विहारय् अल्पकालिन रूपे आमणेर प्रव्रजित जुल । १४ म्ह युवकतय्गु सामूहिक प्रव्रज्या नापं उमिसं येँ व भोंतय् सामूहिक भिक्षाटन याःगु घटना नं तस्सकं उल्लेखनीय जू ।

व हे दँय् पाँचखालया समाज कल्याण केन्द्रय् (माँ-बौ मडुपि अनाथपि मस्त च्वनीगु केन्द्रय्) बना अन च्वपि मस्तेत माःगु सामानत (स्टीलया भू, रुमाल, गा, वसः) बीगु, नकेगु नापं उगु केन्द्रय् मस्तय् न्हिन्हि प्रार्थना याय्या लागी छगू बुद्धया मूर्ति नं प्रदान याना । थ्व ज्या स्वदं तक्क याना ।

थ्वहे दँनिसँ नेपाः व भारतया विभिन्न थाय् थासय् च्वंगु महत्त्वपूर्णगु विहार, चिन्नाः, बौद्ध स्थलय् बनाः बुद्ध-पूजा याय्गु अभियान शुरु जुल । न्हापांगु बुद्ध-पूजा नमुराय् जुल । अनं लिपा थ्व अभियान अन्तर्गत नेपाःया पूर्वनिसँ पश्चिम तक्कया विभिन्न थाय् (तानसेन, धरान, नारायणघाट, त्रिशूली इत्यादि) नापं कुशीनगर, सारनाथ, बुद्धगया इत्यादि थासय् तक्क बनाः बुद्ध-पूजा याय्गु ज्या जुल । थ्व अभियान खुदं तक्क न्हात ।


वि. सं. ०३६ साले जितः व धम्मवतीयात वमाय् आखः व्वंका बिज्यापि गुरुभापि दो. पञ्चाचारी व दो-सुखाकारीपि

नेपाः विज्यात । वसपोलपिन्त नेपाले थाय् थासय् यक्को स्वागत जुल । न्हापां धर्मकीर्ति विहारय् बहःनि बहःनि विपस्सना भावना स्यनेगु व प्रवचन विय्गु याना विज्यात । ध्यान याः वइपि यक्को दु । अनंलि वसपोलपिन्सं फिन्हु-फिन्हुया विपस्सना शिविर संचालन याना विज्यात । भोंतय् फिन्हु-फिन्हुया निगू शिविर, बलम्बुइ छगू व लुम्बिनी छगू शिविर तथा विज्यात । आधुनिक नेपाःया बुद्ध शासनया इतिहासय् सामूहिकरूपं विपस्सना शिविर तय्गु परम्परा थनं हे न्हापां शुरु जुल । नापं दान व शीलया यक्को प्रचार व अभ्यासं लिपा ध्यानया प्रचार व अभ्यास याय्गु ज्या नं शुरु जुल । अनंलि छसिकथं ध्यान अले विशेष विपस्सनाया प्रचार-प्रसार जुया वया च्वगु लय्ताय् बहःगु खं खः । आः विपस्सना केन्द्रत नं स्थापना ज्वी धुकूगु दु । अनंलिपा वर्माया विभिन्न ध्यान गुरुपि नं नेपाः विज्याना शिविर संचालन याना विज्याय् धुकुगु दु । गथे—महासि सयादो, गोयन्काजी, ऊ सुन्दर सयादो, ऊ. पण्डित सयादो, ऊ. ज्ञानेश्वर इत्यादि ।

वसपोल दो पञ्चाचारी गुरुमायापाखें ध्यान याःपिन्सं ध्यानया भच्चा सवाः थुल । हानं अप्पो अभ्यास याय्गु इच्छा प्रकट यात । उकें वसपोल गुरुमापिन्सं वर्माय् महासी भावना केन्द्रय् वना ध्यान याः वनेगु सुकाव बिया विज्यात । उगुकथं हे २६ म्ह छगू टोली वहे दैय् वर्माय् ध्यान याः वन । लच्छि तक्क नां दम्ह विपस्सना गुरु महासीसयादोया महासी भावना केन्द्रय् विपस्सना अभ्यास याना वल ।



वस्पोलया गुरमाँपि नाप
दो. पञ्जाचारी (दश्वी), दो. सुखाकारी (जवे)



THE JOURNAL OF THE
 (The Journal of the)

बि. सं. २०३७ साले नेपाःया सुदूर पश्चिमय् वंगु
भीषण भूकम्पं पीडितपिनिगु सहयोगया लागी धर्मकीर्ति
विहारयापाखें १३०० जोरं सयाक वसःत मुंका प्रदान याय्गु
ज्या नं जुल ।

वहे दैय् मेगु महत्वपूर्णगु घटना जुल — विश्व प्रसिद्धम्ह
विपस्सना गुरु महासी सयादोया नेपाः यात्रा । वस्पोलया थुगु
ऐतिहासिक यात्राया ईलय् वस्पोलपिन्त माःगु व्यवस्था नापं
वस्पोलया निर्देशनय् लुम्बिनी जूगु फिन्हुया विपस्सना शिविरया
आयोजनाय् धर्मकीर्ति विहारं माक्को ग्वाहाली याय्दया
लय्ता वोः । धर्मकीर्ति विहारय् वस्पोलयात अभिनन्दन व
वस्पोलयापाखें विपस्सना भावनाया विषय गहन व विस्तृतरूपं
बिया बिज्यागु उपदेश नं लुमंके बहः जू ।

थ्वहे दैय् नेपाः काःम्ह मेम्ह ध्यानगुरु गोयन्काजुयात
नं धर्मकीर्ति विहारय् स्वागत व वय्कयापाखें नं प्रवचन
कार्यक्रम जुल ।

बि. सं. २०३८ साले बर्माया हे नां दम्ह धुतंगधारी
पूज्य तंपुलु सयादोयात विहारय् स्वागत याय् दत । बर्माया
नां दैपि भावना गुरुपि मध्ये महासी सयादो व तंपुलु सयादोपि
निम्ह खः ।

थ्वहे दैय् धर्मकीर्ति विहारया आयोजनाय् १०८
म्हसिगु छगु टोली धरान व भारतया कालिम्पोङ्ग तक वना
बुद्ध-पूजा व धर्मदेशना याय्गु कार्यक्रम सम्पन्न जुल ।

(३२)

बि. सं. २०३६ साले नेपाःलय् हे अभूतपूर्व कयं बुद्धकालीन भूगोलया मोडेल दय्का प्रदर्शन जुल । थ्वहे दैय् बर्मायापाखें नेपाःया भिक्षु संघपिनिगु लागी प्राप्त चीवर व पात्र भिक्षु संघपिन्त प्रदान याय्गु कार्यक्रम भव्यरूपं सम्पन्न जुल ।

बि. सं. २०४० साले धर्मकीर्ति विहारयात बुद्धिमाया महर्जनं येथा वसुन्धरा डोलय् छक्कू जग्गा दान यांना दिल । थुगु थासे 'धर्मकीर्ति विश्व शान्ति बुद्ध मन्दिर'या निर्माण कार्य नं शुरु जुल । थ्वहे दैनिसें बैशाख पुन्हीया लसताय् रक्तदान याय्गु कार्यक्रम शुरु जुल । थ्व ज्या आः तक्कं जुया वया च्वंगु दु । थ्वहे दैनिसें शैक्षिक कार्यक्रम अन्तर्गत एस. एल. सी. परिक्षा बीपि विद्यार्थीपिन्त स्वाहाली कयं धर्मकीर्ति विहारय् कोचिङ्ग बलासया आयोजना नं जुल । थ्व ज्या स्त्रदे तक्क सञ्चालन जुल ।

बि. सं. २०४१ साले नेपाःलय् २१ दै तक्क च्वने धुंका जि थःगु देश बर्माय् ल्याहाँ बना । बर्मा बने न्ह्योः थाय् थासय् बिदाई समारोह यांना हानं नेपाः ल्याहाँ बिज्याहुं धका निमन्त्रणा व अनुरोध यात । बर्माय् खुला तक्क च्वना । खुला लिपा धम्मवतीया नेतृत्वय् ४१ म्ह उपासक उपासिकापि बर्मा बल—जि नं उपिनापं हानं नेपाः वया । नापं जिमी गुरुमापि दो-पञ्जाचारी व दो-सुखाकारीपिनं निगूगु पटक नेपाः बिज्यात । थुगुसी नं बस्पोलपिन्सं लच्छि तक्क नेपाःलय्

चवना विपस्सना सम्बन्धो प्रवचन व भावना शिविर तथा विज्यात ।

वि. सं. २०४२ साले नं वर्मायापाखें प्राप्त जूगु चीवर, पात्र, लाकां, कुसा आदि परिष्कार नेपाःया भिक्षु संघपिन्त दान याय्गु कार्यक्रम भव्यरूपं सम्पन्न जुल । ईलय बिलय जुया वयाच्वंगु थजाःगु कार्य नेपाः व बर्माया दथ्वी दुगु मैत्री सम्बन्ध वचातुगु तापं वर्मा नेपाःया बुद्ध शासनया लागी ग्वाहाली याना वया चवनेदया कन लय्ता बो ।

थ्वहे साले दय्कूगु न्हू बानेश्वरया अन्तर्राष्ट्रिय बौद्ध भावना केन्द्रया लागी धर्मकीर्ति विहारं नं ग्वाहाली याय्दया लय्ता बो । थ्वहे साले धम्मवतीं ११ दँ न्ह्योनिसें धर्मकीर्ति विहारय् प्रत्येक बुद्ध-पूजाबले कनावया च्वंगु जातक बाखें (५५० पु) कने सिध्दगु लसताय् विहारयापाखें वसुन्धरा डोलय् निर्माण जुया च्वंगु बुद्ध मन्दिरय् स्थापना याइगु ६ फिट तःधिकम्ह दना च्वंगु बुद्ध मूर्तिया श्रीचःलेनिसें वसुन्धरा डोलय् तक्क भव्य व अभूतपूर्वकथं जात्रा जुल । बाजा-गाजा सहितगु उगु यात्राय् दोलंदो मनुतसें भाग काल । वहे दय् उगु बुद्ध मन्दिरया उद्घाटन नं भव्यरूपं सम्पन्न जुल । उगु यासय् लय्लय्पत्ति बुद्ध-पूजा जुया वया च्वंगु दु ।

वि. सं. २०४३ साले जापानया टोक्यो शहरय् निर्माण ज्वीगु शान्ति-स्तुपय् स्थापनार्थ धर्मकीर्ति विहारयापाखें बुद्धया पवित्र अस्थिधातु प्रदान याय्गु ज्या नं भव्यरूपं जुल ।

श्वहे दैय् नेपाःले सम्पन्न जूगु १५ गूगु विश्व बौद्ध सम्मेलनया सहभागीपिन्त धर्मकीर्ति विहारय् स्वागत समारोह नापं रात्री भोजया कार्यक्रम नं सम्पन्न जुल । विश्वया बौद्ध प्रतिनिधिपिन्त विहारय् स्वागत सत्कार याय्दुगु, नापं नेपाःया बौद्ध गतिविधि व विशेषं अनगारिकापिनिगु छगू विहारया परिचय वय्कःपिन्त बी दुगुलीं सन्तोष ज्वीथाय् दु ।

वहे दैय् भारतया बुद्धगयाय् बौद्ध इतिहासय् न्हापां सम्पन्न जूगु 'बौद्ध भिक्षुणीपिनी अन्तर्राष्ट्रिय सम्मेलन'य् धम्मवती नापं जि नं भाग कया नेपाःले अनगारिकापिनिगु स्थिति व गतिविधि वारे जानकारी बीगु अवसर दत, विश्वभरया विभिन्न बौद्ध निकाय प्रव्रजित जुया च्वपि भिक्षुणी, अनगारिकापि नापं परिचय नं याय् दत ।


श्वहे दैतिसें युवा वर्गयापिन्त बुद्ध धर्म सम्बन्धी विशेष तालिम कक्षा नं शुरु जुल ।

बि. सं. २०४४ साले नं फुकथं न्हावलें थें विभिन्न कार्यक्रम याता वया च्वना । विशेषं श्व दैय् वैशाख पुन्हीया लसताय् माध्यमिक विद्यालय स्तरिय बौद्ध चित्रकला प्रदर्शनी सम्पन्न जुल ।

अथे हे ताइवानया बौद्ध गतिविधि व विशेषं अन ल्याना च्वंगु भिक्षुणी परम्परा सम्बन्धी नं जानकारी काय्गु कथं धर्मकीर्ति विहारया छगू टोलीं ताइवान भ्रमण नं यात । थुकें अनया बौद्ध विहार व संघसंस्था नाप नं स्वापू दत ।



धर्मकीर्ति विहारे बौद्ध प्रदर्शनीया उद्घाटन



थुकथं नेपाःया बुद्ध शासनया ज्याय् थःम्हं मती तथा
वयाथें ग्वाहाली बी दया जितः तस्सकं लय्ता वो ।

न्हापा व आः

जि नकतिनी नेपाः वयाबले व आः थन यक्को
परिवर्तन नं खने दत । अबले बुद्धया शुद्धगु शिक्षा गबलें न्यने
मनंनि धाःपि नं यक्को हे दुगु खः । भन्ते धैपि स्वय् मनपि,
'भन्ते' धाय् मसःपिनं यक्को हे दुगु खः । अज्जला भिक्षु
अनगारिकापि खनीबले श्रद्धा तइपि स्वयानं 'भन्ते-भन्ते धाल,
जाकि हेका काल' धाइपि नं दुगु खः । लैय् वनेबले 'बुद्ध' शरणं
गच्छामि' धका गिजे याना हइपि नं दुगु खः । 'ज्या याय्
अत्सी जुया पवना नइपि' धका धया हइपि नं दु ।

इच्छा दयाःनं दान याय् मसःपित यक्को दु । उमित
दान-धर्म याय्गु, आदर गौरव तय्गु तरीका बांलाक स्यना
बिया—उपिनं लय्ताः, अथे सया वःगु खना जि न लय्ताः ।

अबले जातपात नं तस्सकं कट्टर तिनी । भिक्षु,
अनगारिका धयापि वयागु-ध्वयागु ल्हातं नइपि धका गृहस्थी-
पिनीगु भूतुली दुत मकाः, जिमिसं नयागु चिप काःवय् छाःपिनं
यक्को कम तिनी । ववेया जातयापिन्त सःता चिप काय्कीगु ।
उकेसनं, बर्माय् ला चिप-निप धयागु हे मदु । थन वयाबले
विप धइगु हे मस्यू । चिप-निप धाइबले मथू व तस्सकं
मछिना वइगु । गथे याना ध्वीकेगु धयाथें छकः निकः दिक्क
नं ज्वीगु । चिप धयागु ध्वीकेत प्यला-न्याला बित ।

अथे हे थन न्हापां वयावले जितः नय्गु-त्वनेगु तस्सकं मिले मज्जुगु, चःवि मडुगु, फोहरगु खना तस्सकं थाकु, दुःख ताः । न्हापां न्हापां नेवाः भाय् न ल्हाय् मसःगु नापं मिसापिन्सं धर्म प्रचार ज्या याःगुलिनं समस्यात वया वन ।

युकथं न्हापां न्हापां थाकुसां बुद्ध जन्म जूगु देशय् च्वने दत्त व थन बुद्ध शासनया लागीं खाहाली याय् धेगु मन याना सह याय्कु व मन बःलाना वोः । थनया हिमालय् पहाड खनीवले नं मन याउँसे च्वना वोः ।


नाप बर्मा व नेपाःया दथ्वी यक्को समानता नं दु । नेपालीत व बर्मीतय् खाः अथे अथे हे च्वं । नेवाः भाय् व बर्मी भाय्था तून नं अथे हे च्वं । पहः चहः न मिले जू । थुपि खँ याना नं नेपाःले च्वने यक्को अःपुल ।

आःला थुपि थाकुगु अवस्थात यक्को हे मदे धुं कल, यक्को परिवर्तनत वय् धुं कल । थोकहे बुद्ध धर्मया बारे यक्को कनातय् धुं कगुलि थुयावोपि मनूत न यक्को दत्त, श्रद्धाद्विपि व श्रद्धा तय्सःपि नं दत्त, व्यवहार बालाके सःपि नं दत्त । दान-शील पालना व ध्यान भावना अभ्यास याइपि न यक्को दया वल । थुपि फुक्कं खनीवले मन न्हावलें लयताः । थुकथं हे बुद्ध शासनया प्रगति जुजुं वनेमा, व थ्व ज्याय् थःम्हं न खाहाली याना च्वने कय्मा धेगु आशिका याना च्वना ।

२४ दँया थ्व जिगु अनुभव च्वया च्वनागु हे बुद्ध कना विज्यागु ३७ गू बोध्यङ्ग मध्येगु छगू वीर्य बोध्यङ्ग

कन कन वृद्धि याय् फय्मा धैगु मती तथा खः, यक्को ज्या
 याय् धुन धका फुईं याय्त्त मखु । २४ दँ तक्क धम्मवतीयात्त
 धर्म प्रचारया ज्याय् ग्वाहाली बिया, ध्व ज्याय् ग्वाहाली
 ब्यूपि दातापि सकस्यां कुशल चेतना वृद्धि ज्वीमा धैगु मती
 तथा व पूज्य शुशोभन भन्ते नं नेपाः वया छु छु ज्या याय्
 धुन धःगु अनुभव मेपिन्त नं कना ब्यूसा ज्यू धका अनुरोध
 याना विज्यागुलि नं खः ।

शुद्धगु धर्म बःलाना वनेमा ।



सुवर्ण रजत उत्सव

सन् १९२४ साले बर्माय् जन्म जुया बिज्याम्ह वस्पोल मा. गुणवती १२ दै दुबले अनगारिका प्रव्रजित जुया बिज्यात । बर्माय् बुद्ध धर्म सम्बन्धी अध्ययन क्वचाय्का नेपा लय् बुद्ध शासनया प्रचार प्रसार ज्याय् ग्वाहाली बीत नेपाःया 'योम्ह म्हाय्' धम्मवती नापं सन् १९६३ (बि. सं. २०१९) साले नेपाः बिज्यात ।

२५ दै म्हाबनिसै वस्पोलं नेपालय् बुद्ध शासनया प्रचार प्रसारय् यक्को ग्वाहाली व तिबः बिया बिज्याना च्वंगु दु । यक्को समस्या, पाकुगु व मछिगु अवस्था वःसां फुकक्यात मुसुमुसु न्हिला सहःयाना, अपार मैत्री व कहणां त्याकाः, गबलें हे अत्सी मचासे वस्पोलं नेपालय् बुद्ध शासनया लागी त.धंगु गुण व देन बिया बिज्यागु दु ।

वस्पोल प्रव्रजित जुया बिज्यागु ५० दै दुगु, नेपाः बिज्यागु २५ दै दुगु व वस्पोलया ६४ गूगु जन्मदिना लसताय् सुवर्ण रजत उत्सव न्याय्का वस्पोलया दीर्घायु, सुस्वास्थ्य व सफलताया कामना याना च्वना ।

— धर्मकीर्ति विहार

— धर्मकीर्ति बौद्ध अध्ययन गोष्ठी

— 'धर्मकीर्ति' बौद्ध मासिक

पुष २३, २०४४